



UNIVERSITÄTS-
BIBLIOTHEK
PADERBORN

Paraphrasis Psalmorvm Davidis Poetica

Buchanan, George

Argentorati, M. D. LXVIII.

VD16 B 3125

Psal. CXLIX. Cantate Domino canticum nouum, &c. Carm. gen. 13.

[urn:nbn:de:hbz:466:1-69145](#)

Ignes, niues, & grandines,
Vaporq; & aura spiritus,
Ad iusta Domini mobiles
Circumrotantes turbines.
Colles feraces, & feri
Montes, & omnes arbores,
Seu montibus rigescitis:
Seu cultibus mansuescitis:
Mites feræq; bestiæ,
Humiq; lentè reptiles,
Et quæ liquentes aëris
Campos uolando carpitis:
Reges & orbis præsides,
Et nationes liberæ,
Et pauperi plebeculæ
Qui ius ab alto dicitis:
Et uos iuuenta florea
Læti puelli & uirgines,
Senésq; uitæ in ultimo
Iamiam exituri limine,
Laudate Dominum: numini
Sit eius uni gloria,
Vnumq; noscat omnium
Cælum solumq; principem.
Hunc omne in æuum laudibus
Propago tollat Isaci:
Sibi dicatam qui bonis
Gentem beauit omnibus.

PSAL. CXLIX. Cantate Domino can-
ticum nouum, &c. Carm. gen. 13.

S iii

C Antate Domino canticum
Nouum: sonet laus illius
Cœtus per omnes, qui sacris
Non se profanis polluunt.

Oblectet Isaci genus
Auctore se suo: suo
Regi Sionis arduæ
Congratulentur filiæ:
Nomen celebrent illius
Lætis choris & tympanis:
Eiusq; laudes accinant
Blandè canoro pectini.

Gentem bonus parens suam
Amore sancto amplectitur,
Mitémq; mansuetudinem
Firmat salute immobili.

Cœtus piorum ut gestiant
Foris paratu splendido,
Domiq; secum clanculum
Lætentur in cubilibus.

In ore, rerum præsidis
Laus continenter personet:
Vtrinq; acuti in dexteris
Vibrentur enses uindices.

In se ferarum ut gentium
Crudelitatem uindicent:
Et in futurum iras, minas,
Superbiamq; comprimant.

Reges suorum ut hostium
Arctis catenis alligent,
Et ferreis coérceant

Vincis

Vinclis feroceſ princeſeſ.
Pœnas ſecundum cœlitus
Præſcripta ab ijs ut exigant,
Et lauſ piorum peruolet
Omnes per orbis cardineſ.

PSAL. CL. Laudate Dominum in ſanctis
eius, &c. Carm. gen. 13.

Laudate Dominum, lucidum
Templum colementeſ ſideruim,
Qui ui ſuæ potentieſ
Firmauit orbis cardineſ.

Laudate Dominum fortiter,
Vbiq; geſtiſ inclytum.
Laudate magnitudinem
Captum ſupra mortalium.

Laudate Dominum bellicæ
Claris tubæ clangoribus:
Laudate Dominum nablijs,
Lyriſq; blandè garrulis.

Laudate Dominum tympanis,
Choriq; festi cantibus:
Laudate Dominum fidibus, &
Sonore dulci tibiæ.

Laudate eum tinuitibus
Lætis canori cymbali.
Huc cuncta laudent quæ trahunt
Vitalis auræ ſpiritum.

S iiiij